

RENAMAX Film-Coated Tablet

Sevelamer Carbonate 800mg

Apakah yang ada pada risalah ini

1. Apakah kegunaan RENAMAX
2. Bagaimana RENAMAX berfungsi
3. Sebelum mengambil RENAMAX
4. Cara menggunakan RENAMAX
5. Semasa menggunakan RENAMAX
6. Kesan-kesan sampingan
7. Cara penyimpanan dan pelupusan RENAMAX
8. Maklumat lanjut
9. Pengilang dan Pemegang Pendaftaran Produk
10. Tarikh kemaskini RiMUP
11. Nombor Siri

Apakah kegunaan RENAMAX

RENAMAX digunakan untuk pesakit yang mempunyai buah pinggang yang tidak boleh berfungsi dengan baik. Mereka biasanya tidak dapat mengawal tahap fosforus dalam serum darah mereka. Ini boleh meningkatkan jumlah fosfat dalam serum (dikenali sebagai hiperfosfatemia). Peningkatan tahap fosforus dalam serum darah boleh menyebabkan pembentukan deposit keras dalam badan anda. Ia dikenali sebagai calcification. Deposit ini boleh mengentalkan saluran darah anda dan menjadikannya sukar untuk darah dipam ke seluruh badan. Penambahan serum fosforus juga boleh menyebabkan gejala-gejala seperti kegatalan kulit, mata menjadi merah, sakit tulang dan keretakan tulang.

Bagaimana RENAMAX berfungsi

RENAMAX mengandungi sevelamer carbonate yang digunakan sebagai bahan aktif. Ia mengikat fosfat dari makanan di dalam salur pencernaan dan mengurangkan serum fosforus dalam darah

Sebelum mengambil RENAMAX

Bila tidak boleh mengambil

Jangan mengambil RENAMAX jika:

- Anda alah (hipersensitif) terhadap sevelamer carbonate, sevelamer hydrochloride atau mana-mana bahan-bahan lain dalam ubat ini (yang disenaraikan dalam Seksyen 8 di bawah).
- Tanda-tanda tindak balas alahan termasuk: ruam, masalah menelan atau bernafas, bengkak di bahagian bibir, muka, tekak atau lidah
- Anda mempunyai halangan usus.

Sebelum mula mengambil

Semak dengan doktor anda sebelum mengambil RENAMAX jika:

- Anda mempunyai masalah menelan
- Anda mempunyai masalah dengan motilitas (pergerakan) di dalam perut dan usus anda
- Anda kerap jatuh sakit
- Anda mempunyai keradangan usus aktif
- Anda telah menjalani pembedahan utama di bahagian perut dan usus anda
- Anda mempunyai sembelit yang serius.

Rawatan tambahan:

Disebabkan oleh keadaan buah pinggang anda atau rawatan dialisis, anda mungkin:

- Mengalami tahap kalsium yang rendah atau tinggi dalam darah anda.

RENAMAX tidak mengandungi kalsium, oleh itu, doktor anda mungkin menentukan tablet kalsium sebagai tablet tambahan untuk anda.

- Mempunyai jumlah vitamin D yang rendah dalam darah anda. Oleh itu, doktor anda boleh mengawasi tahap vitamin D dalam darah anda dan memberikan vitamin D sebagai rawatan tambahan jika diperlukan. Jika anda tidak mengambil suplemen multivitamin, anda juga boleh mempunyai tahap vitamin A, E, K dan asid folik yang rendah dalam darah anda. Oleh itu, doktor anda akan mengawasi tahap darah anda dan menentukan vitamin-vitamin tambahan jika diperlukan.

Jika mengambil ubat-ubat lain

Sila beritahu doktor atau ahli farmasi jika anda sedang mengambil, baru-baru ini telah mengambil atau mungkin mengambil apa-apa ubat-ubatan lain.

RENAMAX tidak boleh diambil serentak dengan ciprofloxacin (antibiotik).

Jika anda mengambil ubat-ubatan untuk masalah rentak jantung atau untuk epilepsi, anda perlu berbincang dengan doktor apabila anda mengambil RENAMAX.

Kesan ubat-ubatan seperti ciclosporin, mycophenolate mofetil dan tacrolimus (ubat yang digunakan untuk menahan sistem imun) mungkin dikurangkan oleh RENAMAX. Doktor anda akan menasihati anda jika anda mengambil ubat-ubat ini

Kekurangan hormon tiroid secara luar biasa boleh diperhatikan dalam di sebilangan pesakit yang mengambil levothyroxine (digunakan untuk rawatan tahap hormon tiroid yang rendah) dan RENAMAX. Oleh itu, doktor anda boleh mengawasi tahap hormone perangsang tiroid dalam darah anda dengan lebih teliti

Cara menggunakan RENAMAX

Sentiasa mengambil RENAMAX tepat seperti yang doktor anda telah memberitahu anda. Anda perlu menyemak dengan doktor atau ahli farmasi jika anda tidak pasti.

- Menelan tablet anda secara oral dengan segelas air.
- Jangan menghancurkan, mengunyah atau memecahkan ubat anda kepada kepingan-kepingan.
- Anda perlu mengambil RENAMAX selepas makan.

Berapa banyak harus digunakan

Doktor anda akan menentukan dos kepada anda berdasarkan tahap fosforus dalam serum anda.

Dos permulaan RENAMAX yang disyorkan untuk orang dewasa dan orang tua (> 65 tahun) ialah 1~2 tablet RENAMAX selepas makan, 3 kali sehari.

Dalam sesetengah kes, RENAMAX perlu diambil pada masa yang sama berserta dengan ubat-ubatan yang lain. Doktor anda mungkin menasihati anda untuk mengambil ubat ini 1 jam sebelum atau 3 jam selepas pengambilan RENAMAX, atau doktor mungkin mempertimbangkan untuk mengawasi tahap darah anda.

RENAMAX tidak digalakkan untuk digunakan pada kanak-kanak dan remaja di bawah 18 tahun.

Bila perlu digunakan

Ambil RENAMAX pada waktu yang sama setiap hari kecuali doktor anda memberitahu anda sebaliknya.

Berapa lama perlu digunakan

Teruskan pengambilan ubat selagi doktor anda memberitahu anda untuk meneruskannya.

RENAMAX Film-Coated Tablet

Sevelamer Carbonate 800mg

Jika terlupa menggunakan

- Jika anda terlupa untuk mengambil tablet anda, mengabaikan dos yang terlepas dan mengambil tablet seterusnya pada masa yang biasa.
- Jangan ambil dos berganda untuk menggantikan tablet yang terlupa.
- Jika anda mempunyai sebarang soalan lanjut mengenai penggunaan produk ini, sila minta nasihat doktor atau ahli farmasi anda.

Jika mengambil berlebihan (terlebih dos)

Tiada kes berkaitan dengan pengambilan dos berlebihan telah dilaporkan oleh pesakit. Jika anda mungkin mengambil dos berlebihan, anda perlu menghubungi doktor anda dengan segera. Lakukan ini walaupun tidak ada tanda-tanda ketidakselesaan atau keracunan. Anda mungkin memerlukan perhatian perubatan segera.

Semasa menggunakan RENAMAX

Perkara yang perlu dilakukan

Kehamilan dan menyusukan bayi

Minta nasihat daripada doktor atau ahli farmasi anda sebelum mengambil ubat ini jika:

- Anda sedang mengandung, berfikir anda mungkin mengandung atau merancang untuk mengandung. Ia tidak diketahui sama ada RENAMAX mempunyai apa-apa kesan terhadap bayi dalam kandungan anda.
- Anda ingin menyusukan bayi anda. Ia tidak diketahui sama ada RENAMAX boleh didapati dalam susu ibu dan akan menjejaskan bayi anda.

Perkara yang tidak boleh dilakukan

- Jangan memberikan ubat ini kepada orang lain, walaupun mereka mempunyai keadaan yang sama seperti anda.
- Jangan gunakan ubat ini untuk merawat sebarang aduan lain melainkan jika doktor anda memberitahu anda.
- Jangan berhenti mengambil RENAMAX, atau menukar dos, tanpa memeriksa dengan doktor anda.

Perkara yang perlu diberi perhatian

Kesan Sampingan Gastro-usus

Kes kesusahan untuk menelan (dysphagia) dan pengekalan tablet di esofagus (esophageal tablet retention) telah dilaporkan dengan penggunaan formulasi tablet RENAMAX, dan sesetengah orang

perlu dirawat di hospital. Penggunaan sevelamer suspension boleh dipertimbangkan untuk pesakit yang mempunyai kesusahan untuk menelan.

Kes penghalangan usus, ulser gastro-usus berdarah, kolitis, ulser, nekrosis dan perforasi juga telah dilaporkan dengan penggunaan RENAMAX. Gangguan keradangan boleh diatasi apabila penggunaan RENAMAX dihentikan.

Rawatan dengan RENAMAX harus dinilai semula untuk pesakit yang mengalami gejala gastro-usus yang teruk.

Anda boleh melaporkan sebarang kesan sampingan atau kesan advers ubat kepada Pusat Pemantauan Kesan Advers Ubat Kebangsaan melalui laman web npa.gov.my [Consumers → Reporting Side Effects to Medicines (ConSERF) or Vaccines (AEFI)].

Cara penyimpanan dan pelupusan RENAMAX

Jika anda mempunyai sebarang pertanyaan tentang sebarang aspek perubatan anda, atau sebarang pertanyaan mengenai maklumat di dalam risalah ini, sila berbincang dengan doktor atau ahli farmasi anda.

Penyimpanan

- Simpan ubat ini di tempat yang selamat di mana kanak-kanak tidak dapat melihat atau sampai.
- Jangan menggunakan RENAMAX selepas tarikh tamat tempoh yang dinyatakan pada label dan karton. Tarikh luput merujuk kepada hari terakhir bulan tersebut.
- Simpan dalam bekas botol yang ditutup secara rapat untuk melindungi ia daripada kelembapan. Produk perubatan ini tidak memerlukan penyimpanan khas.
- Simpan pada 30°C. Lindungi daripada kelembapan.

Pelupusan

Ubat-ubatan tidak boleh dilupuskan melalui air sisa atau bahan buangan isi rumah. Tanya ahli farmasi anda bagaimana untuk melupuskan ubat-ubatan yang tidak lagi diperlukan. Langkah-langkah ini akan membantu melindungi alam sekitar.

Maklumat lanjut

Rupa dan warna produk

Tablet bujur bersalut filem berwarna putih hingga putih pudar, dinyahbos dengan "X1" pada satu bahagian dan tiada penyahbosan pada sebelah lain.

Bahan-bahan kandungan

- Bahan aktif
Sevelamer carbonate.
- Bahan tidak aktif
- Microcrystalline cellulose (M105), purified water, silicon dioxide (SYLOID 244 FP), zinc stearate (PALMSTAR ZPR-2-V), Opadry (06A190000) clear (mengandungi 39%w/w HPMC 2910/HYPROMELLOSE (USP, PhEur, JP, ChP), 39%w/w HPMC 2910/HYPROMELLOSE (USP, PhEur, JP, FCC), 22%w/w DI-ACETYLATED MONOGLYCERIDES (NF, FCC))
- Nombor MAL:
MAL26076040ACZ

Pengilang

Haimen Pharma Inc.
No. 163, Zhuhai Rd, Binjiang Street,
Haimen District, Nantong, Jiangsu
226100, China.

Pemegang Pendaftaran Produk

Medispec (M) Sdn Bhd
B-1-07, Jalan SS 25/22,
Taman Mayang,
47301, Petaling Jaya,
Selangor, Malaysia.

Tarikh kemaskini RiMUP

22.07.2026

Nombor Siri

NPRA (R2) 25/014